



MØTEINNKALLING

Utval: Formannskapet
Møtedato 09.11.2023
Møtetid: Kl. 08:30
Møtestad: Kommunehuset – Kommunestyresalen

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Karl Bård Kollbotn
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
064/2023	23/893	Godkjenning av innkalling og sakliste	
065/2023	23/893	Faste saker	
066/2023	23/862	Søknader om KS sitt heidersmerke/medalje til folkevalde med minst 24 års teneste	
067/2023	20/1026	Helseberedskapsplan	
068/2023	23/480	Vedtak av planprogram for kommuneplanens samfunnsdel	
069/2023	23/645	Godkjenning av møteplan for 2024	
070/2023	23/865	Utstyr til uteområdet på ungdomsskulen	
071/2023	23/867	Kantslått og fasadevask	
072/2023	23/401	Betalingssatsar 2024 - Gebyr og avgifter	
073/2023	23/401	Budsjett 2024 og økonomiplan 2024- 2027	



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/893	Løpenr: 23/11251
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	064/2023

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/893	Løpenr: 23/11252
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	065/2023

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Spørsmål.



SAKSFRAMLEGG

Sakshandsamar: Jan Erik Boge	Arkivkode:
Arkivsaksnr: 23/862	Løpenr: 23/11145
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	066/2023

Søknader om KS sitt heidersmerke/medalje til folkevalde med minst 24 års teneste

Rådmannen sitt framlegg til vedtak:

Formannskapet stadfester innsendt søknad av 12.10.2023 om tildeling av KS-medalje til Jon Magne Bøgevik.

Formannskapet vedtek å senda søknad til KS om tildeling av KS-medalje til tidlegare kommunestyremedlem, ordførar og varaordførar Brigt Olav Gåsdal. Bakgrunnen for søknaden er at at han var folkevald i Samnanger kommune i til saman meir enn 30 år i perioden 1979–2020.

Formannskapet ber rådmannen om å leggja fram forslag til retningslinjer for søknader om KS-medalje og eventuelle andre heidersteikn til folkevalde i kommunen.

Dokument som er vedlagt:

Vedtekter for KS-medalje

Oppsummering:

Avtroppande kommunestyremedlem Jon Magne Bøgevik (Ap) fekk i kommunestyret 19.10.2023 utdelt Kommunesektorens organisasjon (KS) sin medalje med diplom (KS-medalje). Formannskapet må i samsvar med KS sine vedtekter formelt stadfesta kommunen sin søknad til KS om denne utmerkinga for Jon Magne Bøgevik.

Formannskapet må og ta stilling til om kommunen skal søkja om KS sin medalje med diplom for tidlegare kommunestyremedlem, ordførar og varaordførar Brigt Olav Gåsdal (Ap). KS sin medalje kan tildelast folkevalde som har hatt tillitsoppdrag i minst 24 år.

Formannskapet bør òg ta stilling til om det skal utarbeidast forslag til retningslinjer for søknader om KS-medalje og eventuelle andre heidersteikn til folkevalde i kommunen.

Saksopplysningar:

KS har i mange år delt ut heidersbevis til folkevalde og tilsette i norske kommunar og fylkeskommunar. Eit slikt heidersbevis er KS sin medalje med diplom (KS-medalje), som kan delast ut til folkevalde og tilsette som har utført «en fortjenestfull samfunnsgagnlig virksomhet av særlig betydning for sin kommune eller fylkeskommune». For folkevalde blir det vanlegvis kravd at vedkomande har hatt tillitsoppdrag i minst 24 år.

Det går fram av vedtektene for KS-medalje at formannskapet kan søkja om tildeling av denne medaljen. Det er KS som handsamar og tek stilling til søknader om tildeling av medaljen.

Det har ikkje vore tradisjon i Samnanger å søkja om KS-medalje eller andre heidersteikn for folkevalde i kommunen. I samband med planlegginga av det siste møtet hausten 2023 for det «gamle» kommunestyret (19.10.2023), vart ordførar Knut Harald Frøland (BI) merksam på at nokre av dei avtroppande folkevalde i ein av nabokommunane våre hadde fått tildelt KS sin medalje i kommunestyret sitt «avslutningsmøte».

På bakgrunn av at ein av dei avtroppande medlemmene i kommunestyret i Samnanger (Jon Magne Bøgevik) har vore folkevald så lenge som i 24 år, tok ordføraren kontakt med KS for å undersøkje om det kunne vera mogleg å tildela KS sin medalje til Jon Magne Bøgevik i kommunestyremøtet 19.10.2023. Ordføraren fekk då informasjon frå KS om at dei ville kunne haste-handsama ein eventuell søknad frå kommunen om KS-medalje til Jon Magne Bøgevik. KS informerte vidare om at det etter vedtektene for KS-medaljen er formannskapet som på vegner av kommunen skal søkja om tildeling av medaljen, men at KS i den aktuelle saka ville godta at kommunen v/ordføraren sende inn ein søknad og at formannskapet formelt slutta seg til søknaden i sitt neste møte.

Søknad om KS-medalje til Jon Magne Bøgevik vart sendt til KS 12.10.2023. Bakgrunnen for søknaden var at Jon Magne Bøgevik var kommunestyremedlem i 24 år, i perioden 1999–2023. I fire av desse åra var han òg varaordførar. KS handsama søknaden raskt, og KS-medalje med diplom kunne som følgje av dette tildelast Jon Magne Bøgevik i kommunestyremøtet 19.10.2023.

Då ordførar Knut Harald Frøland var i kontakt med KS, tok han òg opp spørsmål om eventuell tildeling av KS-medalje til ein av dei andre folkevalde som vart valt inn i kommunestyret ved valet i 2019. Dette gjaldt Brigt Olav Gåsdal (Ap), som dessverre gjekk bort i 2020. Han hadde då han gjekk bort vore folkevald i kommunestyret i til saman meir enn 30 år, og i løpet av desse åra òg vore både ordførar og varaordførar. KS orienterte ordførar Knut Harald Frøland om at kommunen kan søkja om tildeling av KS-medalje også til folkevalde som har gått bort i løpet av valperioden. Rådmannen vil på bakgrunn av dette no be om at formannskapet tek stilling til om kommunen skal søkja om KS-medalje også for Brigt Olav Gåsdal. Ein eventuell medalje til Brigt Olav Gåsdal vil kunne overrekkast til hans etterlatne.

I dialogen med KS fekk ordførar Knut Harald Frøland avklart at KS-medalje normalt først blir tildelt når ein folkevald avsluttar vervet (tillitsoppdraget) sitt.

Uttalar frå andre:

Det er ikkje henta inn uttalar frå andre i arbeidet med denne saka.

Vurderingar og konsekvensar:

Å vera folkevald er ei viktig samfunnsoppgåve. Dei folkevalde i Samnanger legg ned mykje tid og gjer ein stor innsats for kommunen, nokre av dei gjennom mange år. Det vil, slik rådmannen ser det, vera positivt dersom personar med spesielt lang teneste som folkevalde i kommunen kan få ei påskjønning for dette. KS-medalje er eit eksempel på ei slik mogleg påskjønning.

Rådmannen tilrår at formannskapet gjer vedtak om å slutta seg til søknaden som vart sendt 12.10.2023 om KS-medalje til Jon Magne Bøgevik. KS har allereie handsama søknaden og tildelt medaljen til Jon Magne Bøgevik.

Rådmannen tilrår òg at formannskapet gjer vedtak om å søkja om tildeling av KS-medalje til tidlegare kommunestyremedlem Brigt Olav Gåsdal. Han var innvald i kommunestyret for valperioden 2019–2023, og var framleis medlem i kommunestyret då han gjekk bort i 2020. Han hadde då vore folkevald i kommunen i til saman meir enn 30 år. I løpet av desse åra var han òg ordførar i to valperiodar og varaordførar i èin valperiode.

Ingen av dei andre kommunestyremedlemmene som slutta som folkevalde etter valperioden 2019–2023, oppfyller vilkåret om minst 24 år som folkevald i kommunen.

Rådmannen tilrår ikkje at kommunen går lenger tilbake enn valperioden 2019–2023 når det gjeld å søkja om KS-medalje til folkevalde. Det er heller ikkje teke opp med KS om det vil vera mogleg å søkja om tildeling for folkevalde så langt tilbake i tid.

Det bør vurderast om det skal takast inn retningslinjer om søknader om KS-medalje og eventuelle andre heidersteikn i kommunen sitt reglement for kommunestyret og hovudutvala. Det kan vera ønskeleg å få klare retningslinjer på dette området, mellom anna for å sikra likehandsaming.



SAKSFRAMLEGG

Sakshandsamar: Edith Oma	Arkivkode: FA-G01, TI-&58
Arkivsaksnr: 20/1026	Løpenr: 23/11164
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	067/2023
Kommunestyret		

Helseberedskapsplan Pleie og omsorg og helseeininga

Rådmannen sitt framlegg til vedtak:

Samnanger kommune vedtek *Helseberedskapsplan – pleie og omsorg og helseeininga* slik den ligg føre.

Dokument som er vedlagt:

Helseberedskapsplan 2023

Dokument som ikkje er vedlagt:

Lov om helsemessig og sosial beredskap

Oppsummering:

Statsforvaltaren i Vestland gjennomførte i 2021 tilsyn med Samnanger kommune sin kommunale beredskap og helseberedskap. Det vart registrert avvik på helseberedskap som ikkje var med i overordna beredskapsplan.

Tiltak som er gjort for å retta avvika er å laga helseberedskapsplan sidan det er ei lovfesta plikt for alle kommunar å arbeida ut beredskapsplan for helse- og omsorgstenestene ein har ansvar for. Det formelle grunnlaget er *lov om helsemessig og sosial beredskap* med forskrifter.

Saksopplysningar:

Bakgrunn for saka:

Samnanger kommune hadde tilsyn frå Statsforvaltaren i Vestland i 2021. Her vart det registrert avvik på at all helseberedskap som kommunen ikkje hadde med i overordna beredskapsplan.

Ei arbeidsgruppe har sidan 2022 arbeidd ut eit framlegg til helseberedskapsplan. Arbeidsgruppa utarbeidde ROS-analyse for moglege situasjonar som kan oppstå i einingane helse og pleie og omsorg. Overordna beredskapsplan tar for seg nokre av desse moglege situasjonane som kan

oppstå, til dømes vassbrot og tiltak med vatn til einingane.

Planen tar for seg det som er spesifikke utfordringar innan beredskap for helse og omsorg. Det er oppretta tiltakskort slik at einingane kan og skal driva nødvendig helsehjelp på tross av hendingar som kan oppstå.

Vurderingar og konsekvensar:

Vurderingar:

Det er ei lovfesta plikt for alle kommunar å utarbeide beredskapsplan for helse- og omsorgstenestene sine. Det formelle grunnlaget er lov om helsemessig og sosial beredskap med forskrifter.

Konsekvensar:

Utan helseberedskapsplan bryt kommunen lov om helsemessig og sosial beredskap. I tillegg vil det ikkje kunne dokumenterast at kommunen har tilfredsstillande beredskap på området.

Dokumentasjonen er grunnlaget for ein god beredskap.

Konklusjon:.

Med å oppretta helseberedskapsplan vil kommunen sine helse- og omsorgstjenester ha tiltak for tilstrekkeleg helseberedskap i tråd med lovkrav.



SAKSFRAMLEGG

Sakshandsamar: Ragnhild Lønningdal	Arkivkode: FE-141
Arkivsaksnr: 23/480	Løpenr: 23/10754
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	068/2023
Kommunestyret		

Vedtak av planprogram for kommuneplanens samfunnsdel

Rådmannen sitt framlegg til vedtak:

Med heimel i plan- og bygningslova §§ 4-1, 11-2 og 11-13 vert planprogram for kommuneplanens samfunnsdel, dagsett 20.09.2023 vedteke. Planprogrammet gjer greie for kva samfunnsplanen skal handla om, føremålet med planarbeidet, planprosess og opplegg for medverknad.

Dokument som er vedlagt:

Planprogram 20.09.2023
Merknadsskjema 18.09.2023
Vestland fylkeskommune 24.08.2023
Statsforvaltar 11.07.2023
Statens vegvesen 29.06.2023
Samnanger Næringsforum 11.08.2023
Kystverket 28.07.2023
BIR 12.07.2023
Bergen og Hordaland Turlag
Bergen brannvesen 10.07.2023

Saksopplysningar:

Bakgrunn for saka:

Det vart [varsla om oppstart av planarbeid](#) med kommuneplanens samfunnsdel den 22. juni 2023 og samstundes vart planprogrammet lagt ut til offentleg ettersyn, med frist for merknader 4. august 2023. Det kom eit par førespurnader om utsett frist for uttale, og siste uttale vart motteken 25. august. Totalt kom det inn 8 uttalar til oppstartsmeldinga med planprogram, og desse er vedlagde.

Merknadane er no oppsummerte i eit merknadsskjema, og det er lagt inn kommentarar og framlegg til endringar i planprogrammet. Merknadsskjemaet er vedlagd, og endringane er innarbeidde i planprogrammet.

I tråd med plan- og bygningslova § 11-13 er det kommunestyret som skal gjera vedtak av

planprogrammet, slik at sjølve planarbeidet kan starta opp for fullt. Planprogrammet gjer greie for kva samfunnsplanen skal handla om, føremålet med planarbeidet, planprosess og opplegg for medverknad (både internt og eksternt).

Fakta grunnlag, problemskildring og moglege løysingar:

I følgje plan- og bygningslova § 11-1 skal kommunen ha ein samla kommuneplan som omfattar samfunnsdel med handlingsdel og arealdel. Samnanger kommune gjorde sist vedtak av sin samfunnsdel i 2007 og planperioden gjekk ut i 2017. Kommunen sin arealdel vart sist vedteken i 2017/2018. Kommuneplanen skal i følgje lova ivareta både kommunale, regionale, og nasjonale mål, interesser og oppgåver, og bør femna om alle viktige mål og oppgåver i kommunen.

Kommuneplanens samfunnsdel skal ta stilling til langsiktige utfordringar, mål og strategiar for kommunesamfunnet i sin heilskap, og kommunen som organisasjon. Samfunnsdelen skal vera grunnlag for sektorane sine planar og verksemd i kommunen, og den skal gje retningslinjer for korleis kommunen sine eigne mål og strategiar skal gjennomførast i kommunal verksemd. Det er difor viktig med god forankring av planarbeidet i alle sektorar og einingar i kommunen, så vel som i kommunestyret.

Uttalar frå andre:

Alle innkomne uttalar er vedlagde, samt at dei er oppsummerte og svara ut i merknadsskjemaet. Uttalane som har ført til endringar eller presiseringar i planprogrammet er referert til under, medan dei som er gode råd og innspel å ta med seg vidare i arbeidsprosessen berre ligg i merknadsskjemaet.

Kystverket visar til at maritim verksemd, bruk av sjøen og sjøretta landareal til transport, næringsverksemd og fritidsbruk, har ein naturleg plass i samfunnsplanlegginga. For slike aktivitetar er det viktig at samfunnsplanen vert framtidsretta og gir premisser for avklaring av arealbruk på sjø og land. Det er viktig at kommunen ser sjøtransport og bruk av sjøareal i samanheng med eksisterande og framtidige nærings- og industriareal, vegar, bustad- og sentrumsområde mm. Alle vekstnæringer treng velfungerande logistikk-løysingar.

Svar: Under kap. 3.7 Arealstrategi er det presisert at samfunnsplanlegginga både gjeld areal på sjø og på land.

Statsforvaltaren minner om «Nasjonale forventningar til regional og kommunal planlegging 2023-2027», og ber kommunen om å leggje desse til grunn i det vidare planarbeidet.

Svar: Nasjonale forventningar til regional og kommunal planlegging 2023-2027 er lagt til i planprogrammet.

Statsforvaltaren har spelt inn at både Regjeringa og Statsforvaltaren ønskjer større merksemd på samfunnstryggleiksarbeidet i kommunane sine planprosessar for å førebyggje mot uønskte hendingar. SF vil difor rå kommunen til å innarbeide dette som eit eige punkt.

Svar: Samfunnstryggleik er tatt inn som eige tema under punkt 4 Utgreiingsbehov med følgjande tekst:

Samfunnstryggleik er blitt eit stadig viktigare tema i all planlegging. I samband med samfunnsplanen må det gjerast ei vurdering av om samfunnstryggleiken er godt integrert i kommunens planverk og styringssystem slik at ein førebyggjer risiko for skade og tap av liv, helse, miljø og viktig infrastruktur, og ha god beredskap for ulykkessituasjonar m.v.

Statsforvaltaren har spelt inn at naturmangfald er nemnt under hovudtema 3.2 klima og klimatilpassing, miljø og naturmangfald i planprogrammet, og dei hadde gjerne sett at temaet fekk meir merksemd sett i lys av kor viktig dette er for framtidige generasjonar.

Svar: I pkt 3.2 er naturmangfald lagt til og eit eige kulepunkt: *Korleis skal vi sikre naturmangfald og artsrikdomen i kommunen?*

Statsforvaltaren rår kommunen til å oppdatere registreringa av kjerneområde landbruk og

kulturlandskap om det er lenge sidan det vart gjort ein slik gjennomgang, for å få betre grunnlag for vidare planlegging. Dei viser vidare til nasjonale forventningar til kommunal planlegging der det går fram at kommunane skal sikra viktige jordbruksområde og leggja til rette for nye og grønne næringar i tilknytning til jordbruk og skogbruk.

Svar: I samband med kap 4 Utgreiingsbehov er det lagt inn registrering av kjerneområde for landbruk og viktige kulturlandskap som del av næringsanalysen. Korleis sikre viktige landbruksområde er også lagt inn i kap 3.7 Arealstrategi.

Statsforvaltaren registrerer at kommunen ha stor merksemd på næringsutvikling, men påpeikar at fiskeoppdrett/akvakultur ikkje er nemnt i planprogrammet. Dette er eit viktig og dagsaktuelt tema som kommunen bør adressere under nettopp hovudtemaet næringsutvikling. Det er viktig at miljøperspektivet ved næringa, og andre næringar, vert trekt frem for å sikre at utviklinga, og i sjøområda, vert berekraftig.

Svar: Under utgreiingsbehov Næringsanalyse er det lagt inn eit punkt om kartlegging av potensiale for fiskeoppdrett/akvakultur i sjø og på land. Dette vil også bli samordna med arbeidet med handsaming av kommunedelplan for akvakultur, som det skal haldast meking med statsforvaltaren om i november.

Bergen og Hordaland turlag peikar på at naturen treng ei stemme i samfunnsplanarbeidet, og at natur- og friluftsforsamlingane har denne rolla i demokratiet. Dei ber difor om at det vert gjeve rom for at representantar for organisasjonane kan delta i møter, og få invitasjonar til å gje innspel undervegs. Dei ønskjer også høyringsfristar der ein tek omsyn til evt. ferieavvikling. Turlaget rår kommunen til å vurdere om ein har nok kunnskap om kva viktige friluftslivsområde ein har i kommunen, om innbyggjarane sin bruk og oppleving av desse, og kva folkehelseeffektar ein kan hente ut av satsing på tilrettelegging av nærtur.

Svar: I planprogrammet er det under kap 3.7 Arealstrategi tatt inn eit nytt punkt: Korleis sikrar vi tilgang til strandsona og viktige friluftsområde for ålmenta?

Vurderingar og konsekvensar:

Planprogrammet har vore gjennom ein god prosess med administrativ og politisk handsaming, offentleg ettersyn, merknadar og endringar på bakgrunn av desse. Me meiner at det vedlagde planprogrammet gjev eit godt grunnlag for å gjennomføra utarbeidinga av samfunnsplanen på ein heilskapleg måte.

Rådmannen føreslår å gjera følgjande vedtak av planprogram for kommuneplanens samfunnsdel:

Med heimel i plan- og bygningslova §§ 4-1, 11-2 og 11-13 vert planprogram for kommuneplanens samfunnsdel, dagsett 20.09.2023 vedteke. Planprogrammet gjer greie for kva samfunnsplanen skal handla om, føremålet med planarbeidet, planprosess og opplegg for medverknad.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 23/645	Løpenr: 23/7560
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	069/2023
Kommunestyret		

Godkjenning av møteplan for 2024

Rådmannen sitt framlegg til vedtak:

Rådmannen sitt framlegg til møteplan blir vedteke. Vedtaket er gjort med heimel i § 11-2 i kommunelova.

Dokument som er vedlagt:

Forslag til politisk møteplan 2024

Dokument som ikkje er vedlagt:

- Kommunalova
- Reglement for kommunestyret, formannskapet, naturutvalet og kontrollutvalet
- Kommunestyret sitt vedtak 22.02.2018 i sak 002/2018
- Kommunestyret sitt vedtak 06.05.2021 i interpellasjon om møtetidspunkt i kommunestyret
- Vedteker for Samnanger ungdomsråd

Oppsummering:

Møteplan for 2024 for kommunestyret og diverse andre kommunale organ skal vedtakast av kommunestyret i desembermøtet 2023. Rådmannen har utarbeidd forslag til møteplan for 2024. Rådmannen sitt forslag blir først handsama av formannskapet, som gir innstilling til kommunestyret.

Saksopplysningar:

Bakgrunn for saka:

Jf. kommunestyrevedtak i sak 002/2018 og punkt 2.22 i kommunen sitt reglement for kommunestyret m.fl., skal det i kommunestyret sitt desembermøte leggjast fram sak om møteplan for neste kalenderår. Møteplanen skal ifølgje vedtaket omfatta kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne.

I tillegg til vedtaket i sak 002/2018 og reglane i punkt 2.22 i kommunen sitt reglement, vedtok kommunestyret 06.05.2021 også nokre presiseringar knytt til møteplanen.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Endringar i hovudutvalsstrukturen – vedtekne av kommunestyret 26.10.2023

Kommunestyret vedtok 26.10.2023 å leggja ned naturutvalet. Som følgje av dette er naturutvalet ikkje med i møteplanen for 2024. Kommunestyret vedtok 26.10.2023 òg å oppretta eit utval for oppvekst, helse og omsorg. Dette utvalet er med i møteplanen for 2024. Som følgje av desse endringane i hovudutvalsstrukturen, vil det òg vera behov for å gjera nokre endringar i nokre av kommunen sine reglement. Desse endringane er enno ikkje gjort.

Faktagrunnlag, problemskildring og moglege løysingar:

Generelle reglar for fastsetjing av møteplan står i punkt 2.22 i kommunen sitt reglement for kommunestyret, formannskapet, naturutvalet og kontrollutvalet. Desse reglane er baserte på kommunestyret sitt vedtak i sak 002/2018, og er som følgjer:

Generelle reglar for fastsetjing av møteplan

Frå og med 2018 skal det i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne. Kommunestyret skal der vedta møteplanen for desse organa for det komande året. Det enkelte organet skal ha fullmakt til å gjera justeringar i møteplanen sin i løpet av året dersom det er behov for dette.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Frå og med 2022 er ikkje arbeidsmiljøutvalet med i rådmannen sitt framlegg til møteplan. Årsaka til dette er at arbeidsmiljøutvalet med verknad frå 21.10.2021 er eit reint administrativt organ utan politiske medlemmer, jf. vedtak i kommunestyret 21.10.2021 i sak 097/2021.

I rådmannen sitt framlegg til møteplan for 2024 er det lagt inn følgjande tal møte:

Organ/utval/råd	Tal møte i 2024	Møtedag
Kommunestyret	8*	Torsdag
Formannskapet	6	Torsdag
Utvalet for oppvekst, helse og omsorg	6	Tysdag
Administrasjonsutvalet	2	Torsdag

Organ/utval/råd	Tal møte i 2024	Møtedag
Eldrerådet	5	Tysdag
Ungdomsrådet	6	Torsdag
Rådet for personar med nedsett funksjonsevne	5	Onsdag

**) Inkludert to dagar med folkevaldopplæring*

For kommunestyret er det i tillegg til seks ordinære møte også sett opp to dagar med folkevaldopplæring (KS Folkevaldprogram).

Det er ikkje sett opp eigne datoar til budsjettseminar for kommunestyret i 2024. Det kan eventuelt vurderast å gjennomføra budsjettseminar for kommunestyret i samband med formannskapsmøtet 30.05.2024.

Talet på møte i ungdomsrådet er fastsett i vedtektene for Samnanger ungdomsråd, der det går fram at ungdomsrådet skal møtast tre gongar i halvåret.

Det er ikkje valår i 2024, og det vil som følgje av dette ikkje vera nokon møte i valstyret.

I 2023 har dei fleste kommunestyremøta vore dagmøte med møtestart klokka 08:30, ref. vedtak i kommunestyret 09.03.2023 i sak 020/2023 om at alle kommunestyremøta i resten av 2023 skulle vera dagmøte. Det bør helst allereie når møteplanen for 2024 blir vedteken, bestemast om alle kommunestyremøta i 2024 skal vera dagmøte.

Økonomi:

Tabellen nedanfor viser om lag kva kostnadene til møtegodtgjersle vil bli med rådmannen sitt forslag til møteplan for 2024. Utrekninga er basert på det som pr. i dag er vedteke om tal medlemmer i dei ulike organa i tabellen. Kostnader til møtegodtgjersle til varamedlemmer som møter i enkeltsaker, mat under møta og eventuell dekking av tapt arbeidsforteneste, vil koma i tillegg. Kostnader til møtegodtgjersle for kontrollutvalet vil òg koma i tillegg.

Organ	Sats for møtegodtgjersle pr. medlem	Tal medlemmer*	Møtegodtgjersle pr. møte	Tal møte i 2024	Sum møtegodtgjersle i 2024	Arb.gj.avgift (14,1 %)	Sum 2024 inkl. arb.gj.avgift
Kommunestyret	1 883	20	37 660	8	301 280	42 480	343 760
Formannskapet	1 883	10	18 830	6	112 980	15 930	128 910
Oppvekst, helse og omsorg	1 883	9	16 947	6	101 682	14 337	116 019
Administrasjonsutvalet	1 883	4	7 532	2	15 064	2 124	17 188
Eldrerådet	1 883	5	9 415	5	47 075	6 638	53 713
Ungdomsrådet	471	6	2 826	6	16 956	2 391	19 347
Rådet for pers. med nedsett funksjonsevne	1 883	3	5 649	5	28 245	3 983	32 228
SUM					623 282	87 883	711 165

**) Medlemmer som får utbetalt møtegodtgjersle. Ordføraren får ikkje møtegodtgjersle.*

Uttalar frå andre:

Det er ikkje henta inn uttalar frå andre i arbeidet med denne saka. Som nemnt ovanfor i saksutgreiinga, fastset kontrollutvalet møteplanen sin sjølv.

Vurderingar og konsekvensar:

Det har tidlegare vore vurdert å auka møtefrekvensen (ha fleire møte per år) i kommunestyret, formannskapet og naturutvalet. Rådmannen tilrår at det på møteplanen for 2024 blir sett opp seks ordinære møte i kommunestyret, formannskapet og utvalet for oppvekst, helse og omsorg. Dette vil vera tilsvarende møtefrekvens som på møteplanen for 2023. Dersom det oppstår behov for fleire møte enn dette i løpet av 2024, kan møteplanen eventuelt justerast.

For eldrerådet og rådet for personar med nedsett funksjonsevne, foreslår rådmannen at talet på møte på møteplanen blir auka frå fire i 2023 til fem i 2024.

Det vil ved behov vera mogleg å gjera justeringar i møteplanen i løpet av 2024. Slike justeringar kan gjerast både av kommunestyret og av det enkelte utvalet/organet.

Rådmannen foreslår at alle møta i kommunestyret i 2024 skal vera dagmøte med møtestart klokka 08:30. Erfaringane frå dei siste åra er at saksmengda i kommunestyremøta er stor, og at det er krevjande å koma gjennom heile saklista på ein god måte dersom møta vert haldne på ettermiddag og kveld. Sjølv om utgiftene til dekking av tapt arbeidsforteneste truleg vil vera større ved dagmøte enn ved møte på ettermiddag og kveld, er rådmannen si vurdering at det totalt sett vil vera den beste løysinga å ha kommunestyremøta på dagtid.

Rådmannen foreslår vidare følgjande møtetidspunkt i 2024:

- Møta i formannskapet startar som hovudregel kl. 15:00. Unnateke frå dette er møta i juni

og november, der det blir foreslått møtestart kl. 08:30. Dette er tilsvarende ordning som i 2023.

- Møta i utvalet for oppvekst, helse og omsorg startar kl. kl. 15:00. Dette er tilsvarende ordning som naturutvalet har hatt.
- Møta i kontrollutvalet startar kl. 14:00. Dette er tilsvarende ordning som i 2023.
- Møta i administrasjonsutvalet startar kl. 13:00. Dette er tilsvarende ordning som i 2023.
- Møte i ungdomsrådet startar som hovudregel kl. 18:00. Dette er tilsvarende ordning som i 2023.



SAKSFRAMLEGG

Sakshandsamar: Tone Tysseland Holmefjord	Arkivkode: FA-A20
Arkivsaksnr: 23/865	Løpenr: 23/10795
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	070/2023
Kommunestyret		

Utstyr til uteområdet på ungdomsskolen

Rådmannen sitt framlegg til vedtak:

Samnanger kommune vurderer plan for opprusting for uteområdet på ungdomsskolen i samanheng med struktur og temaplan for eigedomsmassen til kommunen. Det skal utarbeidast ein fullstendig plan med kostnadsoversikt for uteområdet etter ynskja til elevrådet.

Saksopplysningar:

Bakgrunn for saka: Anja Elisabeth G. Markhus sette fram følgjande interpellasjon i kommunestyret den 14/09.2023:

«Skuleplassen på ungdomsskolen er ikkje eit fint syn. Her bør det gjerast noko umiddelbart. Elevane skal trivast i sine omgjevelsar.

Forslag til vedtak: Til kommunestyret den 19. oktober kjem rådmannen med ei sak og kostnadsoverslag der det er utgreidd kva som må gjerast med rydding av området, og ein plan for opprustning. Elevane vert gjeven muligheit til å koma me inspel til kva dei ynskjer.»

Faktagrunnlag, problemskildring og moglege løysingar:

Til kommunestyret den 19.10.2023 hadde ikkje rådmannen tilstrekkeleg grunnlag eller fått inn kostnadsoverslag til å utarbeide sak. Saka vert no lagt fram sjølvom vi framleis ikkje har fått inn tilstrekkeleg grunnlag.

Det vart stilt spørsmål om status for uteområdet og rydding av området.

Der difor vedlagt ligg bilde av uteplassen datert 09.10.2023 om korleis det ser ut på skuleplassen.

Det er planlagt å slodde over området, mellom ballbingen og nybygget, som har fått tilvekst av gras. Grusen som ligg i haugar er spesial fallgrus som nyttast under disser og sklier til bruk både på ungdomsskolen og dei andre uteområda etter behov.

Det manglar nokre plankar i ballbingen, som vert skifta ut og nye nett vert bestilt.

Oppgradert dekke i ballbingen har ein kostnad på om lag kr 100.000 inkl mva og var ikkje prioritert i 2023. Det er egne fagfolk som må utføre dette arbeidet. Tiltaket bør inngå som eit tiltak i samband med pott til oppgradering av uteområdet.

Ungdomsskulen har og egne arbeidslivsfag med egne prosjekt på uteområdet som er i regi av skulen og som rektor har ansvar for. Rektor tek kontakt med teknisk drift om dei har avfall som dei ynskjer at teknisk drift skal ta seg av.

Uttalar frå elevrådet:

Elevrådet ved ungdomsskule har uttalt seg om saka og deira ynskjer er:

1. Fleire sitteplassar både ute og inne. Ute er det fint å kunne sitje under tak. Lage eit område ute med tak og benker kor elevane kan opphalde seg.
2. Basketballbane med to korger, slik at ein kan spele kamp. Det er ikkje mogleg å spele basketball på skuleplassen då det berre er grus.
3. Nye/betre nett i ballbingen. Oppgradere dekke i ballbingen.

Plan for opprusting:

Me har sendt ut førespurnad 12.10.2023 til 4 firma om skisse for uteområdet med kostnadsoverslag. 1 firma har avslått å bistå oss. 2 firma arbeidar med saka, men seier det vil gå mellom 4-6 veker før deira arkitektar har kapasitet til å sjå på saka, 1 firma har ikkje respondert. Denne førespurnaden må ikkje betraktast som ein minikonkurranse då spesifikasjonen for oppdraget har vore i høve det som elevane ynskjer seg for området og ikkje ein totalvurdering for heile skuleområdet.

Vurderingar og konsekvensar:

Det som står ovanfor om rydding av området tek teknisk drift seg av snarast.

Ut frå ønska til elevrådet og erfaringstal frå opprusting av uteområdet på barneskulen rår vi til å vente med vidare planlegging av ungdomsskulen sitt uteområde til kommunen har fått avklart framtidig struktur og temaplan for eigedomsmassen til kommunen. Planen skal gje grunnlag for kva premissane kommunestyret skal gje for 2025-budsjettet og økonomiplanarbeidet. Elevane sitt forslag vert tilråd å komme tilbake til og finansierast som eige investeringsprosjekt i tråd med strukturplanen.



SAKSFRAMLEGG

Sakshandsamar: John-Einar Mjelstad	Arkivkode: FE-614, TI-&46
Arkivsaksnr: 23/867	Løpenr: 23/10845
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	071/2023
Kommunestyret		

Kantslått og fasadevask

Rådmannen sitt framlegg til vedtak:

Teknisk drift gjennomfører dronevask av kommunehuset innafor sitt vedlikehaldsbudsjett for 2024. Teknisk drift gjennomfører minimum kantslått/-klypp 1 gong i løpet av august/september kvart år. Høgast prioritert er langs skule- og barnehagevegar, og vegar der mykje folk ferdast mykje vegetasjon. Kantslått vert dekkja innafor ramma til årsbudsjett for 2024.

Saksopplysningar:

Bakgrunn for saka:

Interpellasjon 19.10.2023 frå Samnanger Frp:

Fasadevask

«Det skal utførast vask av fasaden på kommunehuset snarast råd. Dersom det ikkje er midlar i vedlikehaldsbudsjettet må midlane tas frå disposisjonsfondet.

Ber om at det stemmes over dette forslaget og vidaresender til rådmannen til behandling til neste kommunestyre.

Framlegg til vedtak:

Rådmannen førebur sak om fasadevask på kommunehuset og legg fram sak om dette til første kommunestyremøte.»

Kantslått

«Det må gjennomførast kantslått langs alle kommunale vegar snarast. Dersom det ikkje er midlar på vedlikehaldsbudsjettet tas midlane frå disposisjonsfondet.

Ber om at det stemmes over dette forslaget og vidaresender til rådmannen for behandling i neste

Framlegg til vedtak:

Rådmanne førebur sak om gjennomføring av kantslått langs alle kommunale vegar snarast.»

Svar på interpellasjon med vurderingar og konsekvensar:

VASK AV FASADEN PÅ KOMMUNEHUSET

Samnanger kommune har ein samla eigedomsmasse på om lag 20 tusen kvm².

Teknisk drift nyttar vedlikehaldsprogrammet FAMAC, som FDV dokumentasjon til kvart einskild bygg. I FAMAC vert daglege rutinar og daglege vedlikehaldsoppgåver gjennomført og dokumentert gjennom året. FAMAC gjev årlege vedlikehaldsrapportar for alle bygg, med oversikt over komande vedlikehaldsbehov og prioriteringar.

Fasadevask var eit av dei prioriterte prosjekta i budsjett for 2023-2024, og drift ynskjer å gjennomføra tiltaket tidleg i 2024. Dronevask er eit godt alternativ og eit kostnadseffektivt alternativ til fasadevask. Kostnaden med vask av kommunehuset er rekna til 60 000,-. Selskapet som har gjeve pristilbod til Samnanger kommune, har 10 års erfaring og har fokus på å bruka miljøvennlege vaskemidlar. Middelet dei nyttar på bygget, bør påførast i perioden september til april, då ein er avhengig av at regnet skal gjera jobben i etterkant. Teknisk drift gjennomfører dronevask av kommunehuset innafor sitt vedlikehaldsbudsjett for 2024.

KANTSLÅTT LANGS MED KOMMUNALE VEGAR

I drift av veg inngår skilting, lapping av asfaltdekke, handtering av overvatn, merking, fjellreinsk, snøbrøyting, veglys, gatefeining, grøftereins og kantslått.

Driftsavdelinga følgjer eit årshjul for kantklypp, men det føresett at det ikkje i drift av veg inngår skilting, lapping av asfaltdekke, handtering av overvatn, oppstår andre driftsbehov som må få høgare prioritert. Drift har mål om kantklypp 1 gang for året, utført på hausten med oppstart i september. Høgast prioritert er langs skule- og barnehagevegar, og vegar der mykje folk ferdast mykje vegetasjon.

Samnanger kommune sitt vegnett er på om lag 26 km.

Driftsavdelinga brukar 200 arbeidstimar, for kvar runde med kantklypp.

Innafor ramma ynskjer drift å prioritera grøftereins framfor kantklypp 2 gonger i året, ein klypp om våren og ein på hausten. Fylkeskommunen sin frekvens på kantklypp, er t.d. 1 gong pr år.

For vintersesongen som ein no går inn i, er det meir hensiktsmessig å fått utført grøftereins og ikkje kantslått. Det meste av vegetasjonen er no sige ned i grøfta. Det vil ikkje føra til nemneverdige utfordringar for vintervedlikehaldet, om ikkje kantslått vert teken dette eine året.



SAKSFRAMLEGG

Sakshandsamar: Karl Viken	Arkivkode: FE-10
Arkivsaksnr: 23/401	Løpenr: 23/10612
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	072/2023
Kommunestyret		

Betalingssatsar 2024 - Gebyr og avgifter

Rådmannen sitt framlegg til vedtak:

Samnanger kommunestyre vedtek gebyr- og betalingssatsar for 2024 slik dei ligg føre i [Gebyrliste - Samnanger kommune 2024](#).

Dokument som ikkje er vedlagt:

Økonomireglement Samnanger kommune
Finansreglement Samnanger kommune

Saksopplysningar:

Samnanger kommunestyre skal vedta betalingssatsar for gebyr- og avgifter for 2024.

I 2022 og tidlegare år vart det laga fleire eigne saker på ulike gebyr og avgifter, men med overgangen til Framsikt i 2023 var det naturleg å samle alle betalingssatsane for gebyr og avgifter i ei sak som er linka opp mot gebyrdelen i Framsikt. Her vil ein gjennom budsjetthandsaminga, og etter at budsjettet er vedteke enkelt kunne finne aktuelle satsar på alle område.

Framlegget til rådmannen til betalingssatsar avgifter og gebyr for 2024, er publisert i Framsikt, og ein finn dei under *Gebyrliste* i Framsikt.

Det går fram av gebyrlista kor mykje dei ulike satsane er i 2023 og 2024 og den prosentvise auken. I oppjusteringa av satsane på dei ulike områda i gebyrlista er det i all hovudsak brukt det som har vore normal oppjustering som speglar prisauken frå 2023 til 2024. Den generelle prisauken, på 5%, er lagt til grunn for auke i fleire av gebyrsatsane. For V/A- området er prisauken langt høgare – generell auke på 20 % frå 2023 til 2024 på vassavgift og 45 % auke frå 2023 til 2024 på avlaup.

Uttalar frå andre:

Ingen

Vurderingar og konsekvensar:**Vurderingar:**

Med dette framlegget til kommunale betalingssatsar vil prisnivået i all hovudsak verta vidareført.

Konsekvensar:

Nokre endringar frå 2023 til 2024 utover den generell prisauken. Dette gjeld særskilt sjølvkost-området, kor det no er lite fond å ta av og der prisane må aukast mykje for å balansere mange av områda.

Konklusjon:

Samnanger kommunestyre vedtek betalingssatsar for gebyr og avgifter for 2024 lik gebyrliste i Framsikt.



SAKSFRAMLEGG

Sakshandsamar: Karl Viken	Arkivkode: FE-10
Arkivsaksnr: 23/401	Løpenr: 23/10537
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	073/2023
Kommunestyret		

Budsjett 2024 og økonomiplan 2024- 2027

Rådmannen sitt framlegg til vedtak:

Rådmannen sitt framlegg til budsjett for 2024-2027 i Framsikt vert lagt ut på høyring. Høyringsfrist vert sett til 24. november. Link til budsjettframlegget: [Økonomiplan 2024- 2027 Samnanger \(framsikt.net\)](https://framsikt.net)

1. Rådmannen sitt framlegg til budsjett 2024 og økonomiplan 2024- 2027 vert vedteke slik det ligg føre.
1. Budsjettert låneopptak i 2024 med bakgrunn i investeringsbudsjettet er på 32,25 mill. kr. Av dette skal det takast opp eit lån på 4,7 mill. kr innan sjølvkost som skal gå til VA infrastruktur (4 mill. kr) og Reservevassforsyning (0,7 mill. kr).

I tillegg er det sett av 5 mill. kr som skal gå til formidla startlån.

Dette i samsvar med kommunelova § 14-15 fyrste ledd.

1. Økonomiplan for 2024- 2027 og årsbudsjett for 2024 vert lik oppstillingane i bevilgningsoversikt drift §5-4, bevilgningsoversikt investering §5-5, økonomisk oversikt drift §5-6 og oversikt gjeld og andre vesentlege langsiktige forpliktingar §5-7.
2. Årsbudsjettet for 2024 vert vedteke på sum netto driftsrammer for sektorane, rådmann og felleskostnader- og inntekter.
3. Rådmannen vert gjeven fylgjande fullmakter innanfor budsjettet sine rammer (jf. samsvar

Økonomireglement og kommunen sitt finansreglement):

- Justere budsjetta som følgje av sentrale og lokale lønsoppgjer

- Budsjettreguleringar innanfor sektorane sine rammer
- Gjennomføre låneopptak; nye lån og refinansieringar
- Utføre budsjettreguleringar av teknisk karakter innanfor drift og investering

1. Kontrollutvalet vert gjeve ei råde på 1 081 00 kr.
2. Prosjektplan – temaplan for struktur og eigedomsmasse 2024- 2033 vert vedteke slik den ligg føre.

Oversikt for 10- årig investeringsbehov vert lagt til grunn i det vidare arbeidet med framtidige investeringar. Planen vert rullert ved oppstart av kvar økonomiplanperiode ved endring av behov, og alle einskildprosjekt vert handsama gjennom eigne vedtak som kjem til politisk handsaming.

3. Dei to kommunale barnehagane vert fysisk slått saman frå og med august 2024. Det vert oppretta eit gjennomføringsprosjekt for dette leia av rådmannen.
4. Skissert Program for handlefridom held fram som tidlegare vedteke; i 2024, og vidare i utover i kommande planperiode for 2025- 2027.
5. Framlegg til vedtekter for kommunalt kulturfond som vart oppretta i 2023 vert vedteke. Fullmakt og delegering vert ført inn i kommunen sitt nye og reviderte delegeringsreglement.
6. Driftstilskot til Samnanger kyrkjestyre vert gjeve innanfor ei råde på 3,5 mill. kr. Denne råde er utover avtala kommunal tenesteyting.

På investeringssida får Samnanger kyrkjestyre løyving til 2 nye prosjekt i 2024; 420 000 kr til investeringstiltak ved Haga kyrkje og 250 000 kr til investeringstiltak ved Aadland kyrkje.

7. Betalingssatsar ligg i rådmannen sitt framlegg i Framsikt. Satsane for gebyr og avgifter for 2024 vert lagt fram og vedteke i eiga sak.
8. Framlegg til prosjektskisse for prøveordning med Fritidstilskot for barn og unge i Samnanger kommune i 2024 vert vedteke.
9. Rådmann syner til utgreiing kring møtestad og *gaming- rom* i gamle biblioteket på kommunehuset. Det vert vedteke å ikkje gå vidare med denne løysinga.
10. Det vert skrive ut eigedomsskatt på faste eigedomar i kommunen i 2023. Den generelle skattesatsen som skal gjelda for dei skattepliktige eigedomane vert sett til 7 %. Satsane er differensiert ved at den satsen som skal gjelda for bustader og fritidseigedomar vert sett til 1,0 %. Satsen for bustadar og fritidseigedomar går med det ned frå 1,4 %. Eigedomsskatt for næringsverksemd vert ståande på 7 %.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert i 2024. Skattesatsen på det særskilte skattegrunnlaget skal være 7 promille.

I medhald av eigedomsskattelova vert det gjeve fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av eigedomsskattelova vert det gjeve fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova vert det gjeve fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Dokument som er vedlagt:

- 1 Vedtak KS budsjettpremissar 2024
- 2 Informasjon om Statsbudsjett 2024
- 3 Budsjettbrev frå Statsforvaltaren 2023
- 4 Analyse Samnanger Kommuneindeksen og kostra tal 2023
- 5 Notat frå rådmannen - Bemanning Pleie og omsorg
- 6 Notat frå rådmannen - Bemanning Oppvekst
- 7 Svar på spørsmål om eigedomsskatt for bedrifter
- 8 Handlingsprogram 2023 og 2024
- 9 Notat for struktur og eigedomsmasse Samnanger kommune
- 10 Prosjektplan -Temaplan for struktur og eigedomsmasse 2024-2033 i Samnanger kommune
- 11 Skisse til 10-årig investeringsbehov og budsjett og økonomiplan 2024 - 2027
- 12 Investeringsbehov 2024- 2033
- 13 Utreiing barnehagestruktur Samnanger komune
- 14 Budsjett Kyrkja i Samnanger 2024 Orientering
- 15 Budsjett kyrkja i Samnanger 2024
- 16 Svar på spørsmål Vurdering tidlegare biblioteklokale til gaminglokale
- 17 Relativ fattigdom Familielos og Fritidstilskot til barn og unge
- 18 Framlegg til Vedtekter for kulturfond
- 19 Vedtekter for kulturfond

Kva saka gjeld:

Økonomiplan for perioden 2024- 2027 og årsbudsjett for 2024 for Samnanger kommune. Rådmannen sitt framlegg i Framsikt følgjer saka.

Det går fram av § 14-2 i kommunelova at kommunestyret skal vedta økonomiplanen og årsbudsjettet. Det går vidare fram av kommunelova (§ 14-3) at økonomiplanen og årsbudsjettet skal vedtakast før årsskiftet. Økonomiplanperioden er fire år.

Formannskapet skal etter kommunelova § 14-3 gje innstilling til kommunestyret til vedtak om økonomiplan og årsbudsjett.

Kapittel 14 i kommunelova gir også reglar om innhald og inndeling av økonomiplanen og årsbudsjettet.

Eigedomsskatt

I medhald av eigedomsskattelova vert det skrive ut eigedomsskatt på faste eigedomar i heile kommunen. Den generelle skattesatsen som skal gjelda for dei skattepliktige eigedomane vert sett til 7 %. Satsane vert differensiert ved at den satsen som skal gjelda for bustader og fritidseigedomar vert sett til 1,0 % i 2024. Satsen for bustadar og fritidseigedomar vert med det sett ned frå 1,4 % i 2023.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når

eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert med 5/7 delar i 2024. Skattesatsen på det særskilte skattegrunnlaget skal være 7 promille.

I medhald av eigedomsskattelova vert det gjeve fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av eigedomsskattelova vert det gjeve fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova vert det gjeve fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

Vurderingar og konsekvensar:

I rådmannen sitt framlegg til budsjett vert budsjettpremissane som kommunestyret vedtok følgt opp og innarbeida i framlegget. Vedtekne budsjettpremissar er vedlagt saka.

Ein har klart å få netto driftsresultat så høgt som nøkkeltalet skulle tilseia; måltalet er 2,5 %, og budsjettert tal for 2024 er 4,5 %. Rådmannen er særst nøgt med dette, men overføring til investering påverkar dette talet positivt. Eit slikt resultat for 2024 vil vere høgare enn det som er tilrådd nivå, men samstundes så er dette noko kommunen treng. Budsjettert netto driftsresultat for åra 2025-2027 er og på eit godt og tilfredstillande nivå sjølv når ein tek med at delar av dette er overføring til investering; frå 3,8 % til 4,6 %. Dette er særst viktig, då gjeldsgraden til kommunen vil auke monaleg når kommunen byrjar å investere meir enn ein har gjort i dei siste åra. Gjeldsgraden aukar frå 97 % i 2023 til 120,6 % i 2027. Kommunen bør halde 120 % som ei grense for gjeldsgraden i ein fase med større investeringar, for deretter å arbeide denne ned etter kommande økonomiplanperiode. Det som kan påverka dette talet meir positivt enn det som kjem fram i tala no, er både høgare inntekter til kommunen enn det som er lagt inn etter 2024, lågare rentenivå på auke i gjeld enn det som er lagt inn (over 5 % rentenivå) og sal av bygningar der kommunal drift eventuelt vert avvikla.

Hovudtrekket i budsjettframlegget til rådmannen er følgjande grep frå 2023 til 2024:

- Halda driftsøkonomien mest mogleg effektiv
- Budsjettera opp overføring av til investering
- Bruka 10- årig investeringsplan til å ha eit heilskapleg og godt takta investeringsbudsjett
- Rådmannen gjer framlegg om ei samanslåing av barnehagane
- Rådmann gjer justeringar i budsjetta som er i tråd med analysane som vert gjort

Effektane av hovudtrekka skal vera positive.

- Ein effektiv driftsøkonomi vil gje kommunen, sektorane og einingane betre armslag innanfor rammene til å handtere ikkje-budsjetterte behov eller nye tiltak gjennom året.
- Ei høgare overføring til investering er i praksis eit grep som tek ned bruken av

kraftinntekter i driftsbudsjettet. Det har 2 positive effektar; vi vil ikkje vere så sårbare for svingingar i straum/ kraftprisen. Den andre er at vi får langt betre finansiering av investeringsbudsjettet; som gjer at vi aukar evna for å gjera investeringar.

- Rådmann tek ned på barnevern, administrasjon, plan/bygg og reduserer bruken av kvadratmeter i sitt framlegg. I tillegg peikar analysar på at kommunen ligg høgt på kommunalt tilskot til kyrkja. I framlegget frå rådmannen får kyrkja prisvekst på sitt tilskot frå 2023 til 2024.

I investeringsbudsjettet er det elles lagt opp til investeringar etter 10- årig plan for investeringsbehov. Fleirbrukshall er lagt inn etter brannstasjon og naudsynte strukturelle endringar. Brannstasjon er løfta fram i framlegget til investeringsplan. I 2024 og 2025 er det og lagt inn strukturendringar som vil gje avklaringar innan oppvekst og kommuneadministrasjon. Med desse avklaringane vil kommunen kunne få ein meir effektiv struktur, og samstundes kvitte seg med store framtidige alternative kostnader ved ein del bygg som kommunen driftar i dag. Det som ikkje er lagt, og som vil koma som ein eventuell økonomisk gevinst utover dette er eventuelle sal av eigedommar.

Det vert elles vist til rådmannen sitt framlegg i Framsikt, og vedlegga til politisk sak. Her er det ytterlegare og meir detaljert informasjon om både driftsbudsjettet og investeringsbudsjettet.